



Semina Jesus Kristus  
aja ti nyelamatka

Iya deka ngadaka siku anak lelaki, lalu nuan deka meri iya nama Jesus, laban Iya deka ngelepaska bala nembiak Iya ari dosa sida.”  
Matthew 1:21

Laban Allah Taala balat rinduka dunya, nya alai Iya meri Anak Tunggal Iya, ngambika genap iku orang ti arapka Iya enda mati tang bulih pengidup ti meruan belama iya. John 3:16

Jesus lalu bejaku ngagai iya, "Aku tu meh jalai, pemendar enggau pengidup. Nadai orang ulih datai ngagai Apai enti enda nengah Aku." John 14:6

Lalu nadai orang bukai ulih nyelamatkan kitai, laban nadai nama bukai di baruh langit ti udah diberi ngagai mensia, ti ulih nyelamatkan kitai.” Kereja Rasul 4:12

Laban aku udah meri ngagai kita utai ti pemadu beguna ti udah diterima aku: Kristus udah mati ketegal dosa kitai, munyi ti ditulis dalam Bup Kudus. Iya udah dikubur, lalu diangkatka idup baru ba hari ti ketiga, nitihka Bup Kudus: 1 Korint 15:3-4

Ulih darah Kristus kitai udah ditebus, iya nya dosa kitai diampun, nitihka pemayuh pengasih Iya. Epesus 1:7

Bisi empat iti pemendar ti patut diperetika kitai enggau penuh:

## **1. Petara amat rinduka nuan.**

Iya deka nuan bulih pengidup ti meruan belama iya di serega enggau Iya. Laban Allah Taala balat rinduka dunya, nya alai Iya meri Anak Tunggal Iya, ngambika genap iku orang ti arapka Iya enda mati tang bulih pengidup ti meruan belama iya. John 3:16

Iya deka nuan bisi pengidup ti mayuh sereta bisi reti enggau Iya. PENCHURI datai semina deka ENCHURI, munuh, enggau ngerusak. Aku datai ngambika sida bulih pengidup, ngambika sida bulih pengidup ti belimpah-limpah. John 10:10

Taja pia, mayuh orang enda ngasaika pengidup ti bisi reti lalu enda tentu nemu sekalika sida bisi pengidup ti meruan belama iya laban...

**2. Mensia endang bedosa ari asal iya. Nya kebuah iya beserara ari Petara.**

Semua udah bedosa.

Laban semua orang udah bedosa, lalu enda datai ba mulia Allah Taala. Rome 3:23

Laban pengasih ke duit nya pun semua penyai... 1 Timoti 6:10

Upah dosa nya pemat.

Laban upah dosa nya pemat... Rome 6:23

Bup Kudus madahka dua bansa pemat:

- Pemat ba tubuh

Lalu baka mensia ti udah ditetapka mati sekali aja, udah nya deka diakim. Hebrews 9:27

- Pemat rohani tauka beserara belama-lama ari Allah Taala di neraka

Tang orang ke takut, enda arap, orang ke jai, orang ke munuh orang, orang ke butang, orang ke bemanang, orang ke nyembah engkeramba, enggau semua orang ke bula, deka bebagi ba danau ti mau api enggau belerang. Pemandang 21:8

Enti mensia beserara ari Allah Taala ketegal dosa iya, nama chara mutarka penanggul tu? Kitai suah ngumbai chara mutarka penanggul nya: pengarap, pengawa ti manah, enggau ulah ti manah.

Tang semina siti aja chara mutarka penanggul ari Petara.

### **3. Jesus Kristus aja jalai ngagai serega.**

Tu jaku Allah Taala.

Jesus lalu bejaku ngagai iya, "Aku tu meh jalai, pemendar enggau pengidup. Nadai orang ulih datai ngagai Apai enti enda nengah Aku." John 14:6

Iya udah mayar ukum ti penuh ketegal dosa kitai.

Laban Kristus udah mati sekali aja ketegal dosa, Iya ke lurus ketegal orang ke enda lurus, ngambika Iya ulih mai kitai ngagai Allah Taala, dibunuh dalam tubuh, tang diidupka ulih roh kudus: 1 Peter 3:18

Ulih darah Kristus kitai udah ditebus, iya nya dosa kitai diampun, nitihka pelayuh pengasih Iya. Epeus 1:7

Iya bisi semaya pengidup ti meruan belama iya.

Barang sapa arapka Anak nya, deka bulih pengidup ti meruan belama iya, lalu barang sapa enda arapka Anak nya, enda bulih pengidup, tang pengeringat Allah Taala mengkang ba sida. John 3:36

Laban upah dosa nya pemat; tang pemerik Allah Taala nya pengidup ti meruan belama iya dalam Yesus Kristus Tuhan kitai. Rome 6:23



#### 4. Kitai patut arapka Jesus Kristus ngambika ulih diselamatka.

Pengelepas kitai bepun ari pengasih Allah Taala ulih pengarap ka Jesus Kristus.

Laban ulih pengasih Allah Taala kita udah diselamatka ulih pengarap. lalu nya ukai datai ari kita empu, tang pemereri Allah Taala, ukai ketegal pengawa kita, ngambika nadai orang tau temegahka diri. Epesus 2:8-9

Laban genap iku orang ke ngangauka nama Tuhan deka diselamatka.” Rome 10:13

## Sampi Orang ti Bedosa

Besampi enggau pengarap:

Tuhan Jesus, terima kasih mayuh laban nuan udah rinduka aku. Aku ngaku diri orang ti bedosa lalu aku minta ampun ari Nuan. Terima kasih ke pemat i nuan ba kayu regang, pendam, enggau pengangkat nuan kena mayar semua dosa aku. Aku arapka Nuan Tuhan enggau Juruselamat aku. Aku nerima pemer i pengidup ti meruan belama iya lalu aku nyerahka pengidup aku ngagai nuan. Saup aku ngasika semua pesan Nuan, lalu nyadi utai ti ngerinduka ati Nuan. Amin.

Enti nuan udah arapka Jesus Kristus, utai ti di baruh tu udah nyadi ba nuan:

- Diatu, nuan bisi pengidup ti meruan belama iya enggau Allah Taala.

Lalu tu peneka Iya ke ngirumka Aku, ngambika genap iku orang ke meda Anak, lalu arapka Iya, bulih pengidup ti meruan belama iya, lalu Aku deka ngangkatka sida ari mati ba hari ti penudi.” John 6:40

- Semua dosa nuan udah dibayar sereta diampun.  
(ke udah, ke diatu, ke deka datai)

Tang Kristus udah meri sekali aja piring pengampun dosa belama iya, lalu duduk muak ari kanan Allah Taala. Hebrew 10:12

- Nuan nya utai ti baru ditempa Allah Taala. Nya meh pemungkal pengidup nuan ti baru.

Nya alai, enti orang dalam Kristus, iya nyadi mensia ti baru. peda kita, semua utai udah nyadi baru. 2 Korint 5:17

- Nuan nyadi anak Allah Taala.

Tang semua orang ke nerima Iya, lalu meri sida kuasa nyadi anak Allah Taala, iya nya sida ke arapka nama Iya: John 1:12

Pengawa ti badas ukai jalai kitai diselamatkan, tang nyadika bukti tauka buah pengelepas kitai.

Laban kitai endang asil Allah Taala, lalu kitai digaga dalam Jesus Kristus, ngambika kitai ulih ngereja pengawa ti badas, ti udah disedia Allah Taala dulu ari tu, ngambika kitai ulih ngereja pengawa nya. Epesus 2:10

Tuhan merkat ke nuan!